

SKIPULAGSSKRÁ

fyrir Kirkjubæjarstofu.

1. gr.

Kirkjubæjarstofa er sjálfseignarstofnun með sérstaka stjórn og starfar skv. lögum nr. 19/1988. Heimili og varnarþing er á Kirkjubæjarklaustri.

2. gr.

Stofnendur eru Skaftárhreppur, stofnanir, fyrirtæki og félög, sem vilja styðja stofuna í samræmi við þessa skipulagsskrá. Eftirtaldir aðilar hafa gerst stofnendur og greitt til hennar stofnfé:

Búnaðarfélag Álftavers, kt. 610192-2629,
Búnaðarfélag Kirkjubæjarhrepps, kt. 610192-2899,
Búnaðarfélag Leiðvallarhrepps, kt. 610192-2709,
Búnaðarfélag Hörgslandshrepps, kt. 610192-2979,
Byggðastofnun, kt. 450679-0389,
Bær hf., kt. 481074-0539,
Ferðamálafélag Skaftárhrepps, kt. 560197-2099,
Hótel Edda, kt. 611297-6949,
Kvenfélagið Eyrarrós, kt. 040926-3729,
Kvenfélagið Hvöt, kt. 480399-2859,
Kvenfélag Kirkjubæjarhrepps, kt. 440479-0499,
Kvenfélagið Framtíðin í Álftaveri, kt. 510696-2719,
Landgræðslufélag Skaftárhrepps, kt. 530397-2119,
Skaftárhreppur, kt. 480690-2069,
Skógræktarfélagið Mörk, kt. 440479-0229,
Sláturfélag Suðurlands, kt. 600269-2089,
Starfsmannafélag MBF, kt. 521290-2189,
Verkalýðsfélagið Samherjar, kt. 550269-1559,
Lionsklúbburinn Fylkir, kt. 490491-2019,
Kristnisjóður, kt. 471276-0149.

3. gr.

Stofnfé stofnunarinnar er kr. 3.662.000. Skal það varðveitt í fasteign eða tryggum verðbréfum og má aldrei skerða. Stofnendur bera engar fjárhagslegar skuldbindingar vegna stofnunarinnar.

4. gr.

Kirkjubæjarstofa er rannsóknar- og fræðastofnun á Kirkjubæjarklaustri. Markmið hennar er:

- a) að stunda rannsóknir og hafa forystu um uppbyggingu og þróun á margvíslegu þekkingarstarfi í Skaftárhreppi og nágrenni,
- b) að eiga samstarf um starfsemi og húsnæði við þá aðila sem vinna að rannsóknum og fræðslu á svipuðum sviðum og Kirkjubæjarstofa,
- c) að safna saman gögnum um náttúru, menningu og sögu héraðsins,
- d) að stuðla að rannsóknum á öllum sviðum hinnar fjölbreyttu og siskapandi náttúru héraðsins,
- e) að styrkja, með nútímalegri upplýsingamiðlun, stöðu héraðsins sem náttúrulegs sýningar-svæðis í eldvirkni, landeyðingu og uppgræðslu, jökulmyndunum og hinni öru landmótun, vegna þess hve auðsæ þessi einkenni eru,
- f) að kynna sérstæða menningu og sögu sem mótuð er af sambúð íbúanna við óblíð náttúruöfl og stórbrotið umhverfi,

- g) að rannsaka umhverfisáhrif ferðaþjónustu í héraðinu og stuðla að góðri umgengni ferðamanna. Tengja saman ferðaþjónustu og umhverfisvernd og stefna þannig að sjálfbærri þróun ferðaþjónustu í héraðinu.

5. gr.

Tekjur stofunnar eru rekstrartekjur, vaxtatekjur, gjafir og hvers konar styrktarfé og önnur framlög sem veitt er viðtöku eða aflað. Tekjum skal einungis ráðstafað til starfsemi skv. 4. gr. skipulagsskrár þessarar.

6. gr.

Stjórn stofunnar skal skipuð fimm einstaklingum. Tveir skulu skipaðir af sveitarstjórn Skaftárhrepps og skal annar þeirra vera formaður stjórnarinnar. Skipunartímabil þeirra er hið sama og sveitarstjórnar. Háskóli Íslands skal skipa einn fulltrúa til þriggja ára í senn. Tveir fulltrúar skulu kosnir af fullskipaðri stjórn, án tilnefningar, til þriggja ára í senn. Heimilt er stjórn að kjósa sama mann að nýju til setu í stjórninni, þó þannig að hann sitji að hámarki tvö kjörtímabil eða sex ár samfleytt. Varamenn skulu skipaðir á sama hátt og aðalmenn. Stjórnin skiptir með sér verkum. Stjórn stofunnar er heimilt að tilnefna þriggja manna samráðsnefnd, sem í eiga sæti formaður stjórnar, forstöðumaður og einn til vara. Samráðsnefndin fjallar um málefni stofunnar á milli formlegra stjórnarfunda ef þörf krefur. Fundargerðir frá fundum samráðsnefndarinnar skulu lagðar fyrir formlega stjórnarfundi.

7. gr.

Stjórnarfundi skal boða með tryggilegum hætti og er fundurinn lögmætur ef meirihluti stjórnar mætir. Stjórnin skal halda gerðabók um það sem gerist á fundum, ályktanir, ákvarðanir og niðurstöður stjórnar. Stjórnin ber ábyrgð á rekstri, fjárhag og eigum stofunnar og kemur fram fyrir hennar hönd gagnvart þeim sem veita henni fjárhagslegan stuðning.

8. gr.

Stjórnin ræður forstöðumann sem annast daglegan rekstur og setur honum erindisbréf. Forstöðumaður hefur seturétt á stjórnarfundum og málfrelsi og tillögurétt. Forstöðumaður getur ráðið annað starfslíð eftir því sem stjórnin ákveður.

9. gr.

Árlega skal halda almennan fund með fulltrúum stofnenda og öðrum áhugamönnum til að kynna og fjalla um starfsemi stofunnar.

10. gr.

Reikningsár stofunnar er almanaksárið og er fyrsta reikningstímabil frá stofnun til næstu áramóta. Ársreikningar skulu vera í samræmi við almennar, viðurkenndar reikningsskilavenjur og endurskoðaðir samkvæmt ákvæðum laga.

11. gr.

Til að breyta skipulagsskrá þessari eða leggja hana niður þarf samþykki fjögurra stjórnarmanna. Slíkt skal borið skriflega undir embætti sýslumannsins á Norðurlandi vestra. Komi til niðurlagningar stofnunarinnar skulu eignir hennar renna til Skaftárhrepps sem ráðstafar þeim í samræmi við markmið og hlutverk stofunnar, sbr. 4. gr.

12. gr.

Skipulagsskrá þessi kemur í stað skipulagsskrár fyrir Kirkjubæjarstofu sem staðfest var af dóms- og kirkjumálaráðuneytinu, 25. október 2002.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá nr. 19/1988.

Sýslumaðurinn á Norðurlandi vestra, 7. janúar 2015.

Bjarni Stefánsson.

Auður Steingrimsdóttir.

B-deild – Útgáfud.: 23. janúar 2015